

五經卷九

戶部主事馮敏昌撰 孟縣知縣仇汝瑚全編

金石

元明

元泰定四年沈水鎮法雲寺鐘題識

正書一存一在縣城東南隅上生寺

右鐘高二尺許經一尺八寸其題識云懷慶路孟州  
河陽縣沈水鎮法雲寺鑄造土堂鐘一顆鳩茲勝利  
端爲祝誕皇帝萬歲臣宰千秋國泰民安法輪常轉  
仍願四生九有永出輪迴八難三塗停酸息苦皆有  
元泰定四年歲在強圉單闕月維太簇上元日尊宿  
僧廣智大師前孟州僧正講經賜紅沙門極了果吉  
祥在持僧宏致大師講經論賜紅沙門素溪了明助

緣施主本邑耆老人等保祐各人自身家眷吉祥如意者按法雲寺今在沈水鎮是鐘不知何時徙入城中其文尚可句書蹟亦瘦勁頗似山谷道人書體云

元河陽張中順妻劉氏節行碑 行書 至順三年 在縣學側忠義祠

趙處斷缺約七字 河陽張公之妻也性清口有志節讀

斷缺約六字 公遂有雲南之行且十年不返里中宮

缺約六字 萬里外今亡矣當擇富貴者而嫁之矣

約六字 許入而更嫁非義也夫果不還願以死

六字 定吾志誓不可奪繇是人莫敢言又五

字 歸時年三十三矣口者偉之居家有法 斷缺約五

恤其家口口口口口口異於常日佩服 斷缺約五

或有觸衣屬耳者輒流濯而煩擗之其凜

斷缺約五字

至順三年二月十三日以疾終於家享年

斷缺約四字

人桓娶范氏梓娶徐氏女一人適郭氏男孫

斷缺約四字

字風俗之不美也久矣大丈夫鮮克自立况婦

斷缺約

五字

不渝可無愧於□人矣僕以子準忝佐孟

斷缺約

五字

不修者戒正風俗者庶有采焉

斷缺約六字

□韓或立石

河陽楊克誠鐫字

右河陽張君妻劉氏節烈碑其半已斷缺力訪不可

得僅存其下半耳所存碑字但云河陽張公之妻幾

莫知其爲誰氏者而舊志列女傳內一條云劉氏張

中順之妻合番未幾夫有雲南之行十年不返里中

豪悅其姿容數使人給之曰中順亡矣當擇富貴者  
嫁氏曰夫果不還願以死守況存亡未可必乎時偶  
有觸其衣者若將浼焉輒澆濯再四有男子寄夫信  
到坐其炕側及去乃斫其炕五年夫果還至今相傳  
爲斫炕夫人云按此條與碑所載事跡大畧相同蓋  
編輯舊志時或碑猶完好或別有所據故旣載其姓  
又多斫炕一事而今得據以知其爲劉氏也然舊志  
不載朝代年號幾令人不知爲何代者幸此尙存至  
順三年之文按其語意此碑似當卒後未久卽爲撰  
述頗似墓誌銘者然故非其卒之月日與享年若干  
而亦并載之又并其子婦及女之壻家而亦并載之

則其爲當時之碑審矣然撰人姓名既不可辨而未  
云韓瑛立石者未知卽撰之之人與否至左方尙有  
數字或是書人姓名而亦不可辨而轉因有斷坑一  
事卽里人老婦亦知傳聞而事情之故雖在闕擱之  
中而尙不致於盡遺遺蹟卽此以見其精誠之不容  
泯沒而節烈之在人心者無轉息也因跋之如右  
以爲後風易俗者之一助焉又其書迹尤清勁絕倫  
存石罕遺意初觀之大似唐碑中之致佳者於孟縣  
元碑中當爲第一且其文雖斷缺然尙可以重屬讀  
其存者亦高簡有法所謂殘珪斷璧尤當愛護者故  
茲合其移入縣學例鄉賢祠云

郝文忠公墓前石坊記

正書 至順三年存 在 西二里郝文忠公墓前

文云大元郝文忠公之墓後云塋至順三禩蒼龍壬申春癸月吉日肇建坊在塋前百許步其坊高一丈廣五尺許命爲土所沒其出土者尙八尺餘坊上橫書字大徑三寸五分極端精小字亦有法按此坊或爲文忠公子采麟遇葬時所建或文忠之孫長慶所建皆不可知而文忠之曾孫貫明所刻神道碑則更在其後九年耳

成湯聖帝廟碑 前應奉翰林文字儒林 口燕山周仁

榮撰 沐梁路睢州襄邑縣儒學教諭馬口天書 正書 後

至元二年

在 廟東

廟內

竊以粵若大丈夫而有享其廟祭者在躬必有口義見  
□當時行事也其名猶有垂於竹帛功書簡冊者王  
而有享其廟祭者在當時必有勲業濟夫一世也其澤  
則有稱於後代者□□聖帝仁覆普天德洽廣宇羣物  
無有不得其贖者豈可□□之金石以詔來世乎今□  
□□記帝王世紀湯祖禹在唐虞時舜乃命爲司徒  
以掌五典而敷人倫焉受封於商其後□□世而有湯  
生而明□懋昭厥德恪謹□□慄慄危懼不敢怠荒慎  
終如始夏以爲方伯得專征伐而都亳則殖有禮覆昏  
暴功業極盛後以武功成故曰成湯爲商之太祖故以  
烈祖稱焉肇修興治之綱紀煥乎其德有過卽改從諫

弗逆不事遊暇用人不求備檢身若不及建中於民以  
義制事以禮制心垂裕後昆夔慶無窮惟德日新其勤  
如是寅畏天地罔不恤祀代虐以寬口事以簡去三面  
之網天下美其仁語十魯之訓在位者守其職惟有顯  
道以集厥躬民陷刑罟告萬方曰實予之罪立賢而無  
問其方類去惡而先誅凶殘撫莫化之國形如天之仁  
飢者食之寒者衣之不資者振之惠愛適中剛柔得誼  
邪慝咸消尚以禮義自防聲色不適兢兢業業日慎一  
日勇智之性天所錫聖敬之德口所隣莫於慰九域口  
庶之望救萬邦黎獻之共敷奏其勇不震不動不難不  
棟百祿是總四方之國服其武功此之謂也自十一征



乃式上帝之命□在天之靈以有九有之師是以天下  
歸仁矣雖□七年之旱遽興一念之精誠以六事自責  
遂剪髮□□以身爲犧牲禱於桑林之社以格上天神  
明渙霈之霖爲民祈穀民賴其休獲福甚厚使後世之  
人至於今□□□□□□豈非襲慶如流澤加於後代  
哉於晁孟之治東有勝地一區其形跡甚古宏隆然高  
起岌嶮□雄壯左腋巨野大陸□□行□□王屋之  
山西嵩少而瞰洪河倚太行而負天黨實中邦地理之  
一望也不知其於今幾千百□矣而其里俗□日□□  
□□□□□焉□其神日□□天地水府三官日成湯  
聖帝日岱嶽日府君及兩廡諸司亦陪列矣庸以厭鎮

妖氛之兆□人歲時祭祀偕配享之又□聖朝崇重祀  
典名山大川五嶽四瀆聖帝明王忠臣烈士能興雲雨  
能禦大災能捍大患載於祀典者所在□□吏趣□致  
祭凡民有德者亦得預焉每遇亢陽不雨里中耆老齋  
□□□感至禱下罄竭丹□虔懇禱祀之澍雨淹足□  
靈驗甚□神貺不窮□□其賜而常無忝孽之殃□□  
□安義鄉苟村□□□□李君卽欲樹石刻□以紀神  
靈之□有志願而□□□□早世其子王希義王希顏  
李思恭鳩□□石以補□□□託鄉先生□□仲文  
□□□□狀請文於予予曰□□□□腸枯澀  
何可文哉再三辭遜不得已乃□其事□仍□□□

曰

爰□□政兮其道平平敦大亭土兮於斯□□□□  
昭厥德兮明而又鮮□□□□□□□□垂裕後昆  
兮□愛如泉寅畏天兮若隕於深淵□陷刑罟兮曰  
實予之憊救焚□□□□□□□□征伐無道兮  
□□是先有七年之旱兮禱祀精專甘澍立至兮神貺  
倏然民之不忘□□□□□□貽我後人兮□海堧神  
傷儼然兮袞服褰褰□祀事不絕兮禮幣牲牲神□□  
□□□□□□□□

時大元至元二年歲次丙子二月日立石人王希義李

思恭李思敬 助功奉御高智

右成湯聖帝廟碑其碑陰首行云本廟祭田壹伯畝  
東至道西至道南至道北至北□□岸用此永爲記  
後係村民姓名茲不具錄

大元故翰林侍讀學士國信使加贈推誠保節功臣昭  
文殿大學士大行□□□□□□大夫司□□□追封冀  
國公諡文忠公陵川□□郝公神道碑銘并序 集賢  
學士太中大夫涿郡盧摯撰 承事郎懷慶路同知孟  
州事兼管本州諸軍與魯趙穆篆額 承事郎懷慶路  
河陽縣尹兼管本縣諸軍與魯勸農事知河防事劉敬  
祖書丹正書 後至元六年 存  
在城西二里郝文忠公墓前

公諱經字伯常郝氏自潞徙澤之陵川始公八世祖祥

曾祖昇祖天挺父温旣没其徒相與號靜直處士有三  
男子公共長子也八世祖而下□□居業儒不仕以淑  
其里場休滄慶□□□公壬辰之變靜直君流寓燕趙  
間公年十餘歲沈塞靜重狀貌瓌奇精敏有志趣盡力  
子職及其爲學晝或忘舖□昔誥且衣服危坐諷誦不  
輟劬勤如此凡五六年剗掄摩磊砢而直廉卓而輝  
□□□□殊月異擷芳雋腴充而足之趨武周孔以  
肩淵軻雷風斯文陶冶當世慨然以爲己任山峙川駛  
天遊神遇屹乎莫移浩乎莫禦變化不可測矣旣冠順  
天道左副元帥賈公同一見待以國士□□張□公柔  
館公帥府張賈子弟皆從質學海內名諸侯聞伯常之

風者莫不飭使介走書幣庶幾屈爲賓友公一謝絕世  
祖在潛邸羅致異雋挹其聞遣使者一再起公旣奉清  
問上稽唐虞下迨湯武所以仁義天下者緩頰以談案  
若所陳□帝喜諭所聞凝聽忘倦且俾書所欲言者條  
數十餘事皆援據古義剴切時病及踐祚更化用公之  
言居多歲已未憲宗自將伐宋建益上流世祖總東師  
跨荆鄂公建議大槩以謂彼無釁可乘未見其利唯修  
德以應天心發政以慰人望簡賢以尊將相惇族以壯  
基圖撫殊俗制列鎮以防窺竊結盟保境興文治飭武  
事育英才恤罷氓以培植元氣藏器於身俟時而動則  
宋可圖矣帝悼公所論以爲江淮荆湖南北等路宣撫

副使然勢不中止遂絕江國鄂守將賈似道誠遽請和  
□憲廟升遐王師言還明季世祖卽皇帝位詔公以翰  
林侍讀學士使宋據使曰國信錫金虎符公方踰淮邊  
將李璫輒潛師侵宋兩淮制置使李庭芝寓書於公饒  
以款兵館留真州藉爲□實公答書弭兵息民通好兩  
國實出聖衷日諭邊將戢戍守圉以契和議衆所聞知  
今啟釁自璫一旦律以違詔將無所逃罪此何與使□  
事也公後上書宋主移文其執政論辨古今南北戰和  
利害甚□皆不報顧窮極變詐以撼公之志知其終不  
可怵於愧數也撻鐻館所斲垣柵棘驛吏訶閤夜士鳴  
柝防閑挫抑犷之嚴不啻如此介□而下久於囚羈

戚嗟尤怨無復生意公語之曰鄉顧望不前將命之責  
一入宋境死生進退聽在彼守節不屈盡其在我者豈  
能不忠不義以辱中士大夫乎但公等不幸須忍死以  
待揆之天時人事宋祚殆不遠矣衆服其言亦皆自振  
勵至元十一季右丞相伯顏奉辭南伐江漢名城望風  
鄉附世祖命禮部尙書詰宋執行人之故遂以禮歸公  
聞嬰疾在塗醫問絡繹既至錫燕路朝以張異睠隱其  
瘁於塵事也詔治疾於家病遂殆不起以聞天子悼焉  
官其子采麟奉訓大夫起家知林州初公之使宋也內  
則時相王文統忌公重望排置異國陰屬邊將違詔侵  
宋沮撓使事欲以款兵假手嘗公外則宋權臣似道竊



御敵爲功取宰相畏公露□丐盟幸免之跡遂主議羈  
留舉國皆知其非似道不恤也公拘真館十有六季去  
國未幾而文統伏誅甫歸國宋探誤國之罪似道誣宋  
隨以滅然則懷姦怙寵傾陷善良雖暫若得計機發禍  
敗曾不旋踵抑宋有亡徵公與阨會其患難不渝始終  
名節儻一時而享百世□初非不幸也公歸以十二季  
四月卒以是季七月乙酉春秋五十有三是日丁酉權  
厝保定府西靜直君墓次公幼至孝撫諸弟極厚待宗  
族□近如一篤友樂施德於己者雖細惠必報然偉特  
方巖風岸峭立衆不可攀薰良猶姦題帖無貸故用世  
之志適際可爲已墮奇擯旣處幽所日以立言載道爲